

---

OFFERYNNAU  
STATUDOL CYMRU

---

**2012 Rhif 48 (Cy. 11)**

**PRIFFYRDD, CYMRU**

**GORCHYMYN CEFNFFORDD SANCLÊR  
I DDOC PENFRO (YR A477)  
(GWELLIANT SANCLÊR – RHOS-GOCH  
A THYNNU STATWS CEFNFFORDD)  
2012**

*Gwnaed* 5 Ionawr 2012

*Yn dod i rym* 18 Ionawr 2012

Mae Gweinidogion Cymru, drwy arfer y pwerau a roddir gan adrannau 10 a 12 o Ddeddf Priffyrdd 1980<sup>(1)</sup>, a phob pŵer galluogi arall<sup>(2)</sup>, yn gwneud y Gorchymyn hwn:-

1. Daw'r priffyrdd newydd y mae Gweinidogion Cymru yn bwriadau eu hadeiladu ar hyd y llwybrau a ddisgrifir yn Atodlen 1 i'r Gorchymyn hwn yn gefnffyrdd o'r dyddiad pan ddaw'r Gorchymyn hwn i rym.

2. Dangosir llinellau canol y cefnffyrdd newydd â llinellau du trymion ar y plan a adneuwyd.

3. Bydd y darn o gefnffordd a ddisgrifir yn Atodlen 2 i'r Gorchymyn hwn, ac a ddangosir â llinellau rhesog llydan ar y plan a adneuwyd yn peidio â bod yn gefnffordd ac yn dod yn ffordd ddosbarthiadol o'r dyddiad yr hysbysir Cyngor Sir Caerfyrddin gan Lywodraeth Cymru bod y cefnffyrdd newydd yn agored ar gyfer traffig trwodd.

4. Yn y Gorchymyn hwn:-

Mesurir pob mesur pellter ar hyd llwybr y briffordd berthnasol;

i. ystyr “y plan a adneuwyd” (“*the deposited plan*”) yw'r plan sy'n dwyn y rhif HA10/2 WAG6, a farciwyd “Gorchymyn Cefnffordd Sanclêr i Ddoc Penfro (yr A477)

(Gwelliant Sanclêr – Rhos-goch a Thynnu Statws Cefnffordd) 2012”, a lofnodwyd ar ran Gweinidogion Cymru;

ii. Ystyr “y gefnffordd” (“*the trunk road*”) yw Cefnffordd Sanclêr i Ddoc Penfro (yr A477);

iii. ystyr “y cefnffyrdd newydd” (“*the new trunk roads*”) yw’r cefnffyrdd a grybwyllir yn erthygl 1 o’r Gorchymyn hwn.

5. Daw’r Gorchymyn hwn i rym ar 18 Ionawr 2012 a’i enw yw Gorchymyn Cefnffordd Sanclêr i Ddoc Penfro (yr A477) (Gwelliant Sanclêr – Rhos-goch a Thynnu Statws Cefnffordd) 2012.

Llofnodwyd ar ran Gweinidogion Cymru

Dyddiad 5 Ionawr 2012

## **GARETH MORGAN**

Pennaeth Gwasanaethau Arbenigol Seilwaith  
Llywodraeth Cymru

(1) 1980 p.66

(2) Yn rhinwedd O.S. 1999/672 erthygl 2 ac Atodlen 1, a pharagraff 30 o Atodlen 11 i Ddeddf Llywodraeth Cymru 2006, mae’r pwerau hyn bellach yn arferadwy o ran Cymru gan Weinidogion Cymru.

## **YR ATODLENNI**

### **ATODLEN 1**

#### **LLWYBRAU’R CEFNFFYRDD NEWYDD**

Mae llwybrau’r cefnffyrdd newydd rhwng Cylchfan Sanclêr a man i’r gorllewin o Ros-goch yn Sir Gaerfyrddin fel a ganlyn:

1. Darn sy’n dechrau wrth bwynt ar y gefnffordd bresennol rhyw 768 metr i’r gorllewin o linell ganol ei chyffordd â’r B4314 i

Dafarn-sbeit (a farciwyd A ar y plan a adneuwyd) ac yn ymestyn i gyfeiriad y gogledd-ddwyrain yn gyffredinol am bellter o tua 7369 metr hyd at bwynt ar y gefnffordd bresennol 467 metr i'r dwyrain o linell ganol ei chyffordd â'r C3230 i Dafarn-sbeit (a farciwyd B ar y plan a adneuwyd).

2. Darn sy'n dechrau wrth bwynt ar y gefnffordd bresennol rhyw 695 metr i'r dwyrain o linell ganol ei chyffordd â'r C3230 i Dafarn-sbeit (a farciwyd C ar y plan a adneuwyd) ac yn ymestyn i gyfeiriad y gogledd-ddwyrain yn gyffredinol am bellter o tua 660 metr hyd at bwynt ar y gefnffordd bresennol 312 metr i'r gorllewin o linell ganol ei chyffordd â'r U6611 i Backe (a farciwyd D ar y plan a adneuwyd).

## **ATODLEN 2**

### **DARN O GEFNFFORDD SY'N PEIDIO Â BOD YN GEFNFFORDD**

Y darn o gefnffordd sy'n peidio â bod yn gefnffordd yw'r llwybr yn Sir Gaerfyrddin fel a ganlyn:

Darn sy'n dechrau wrth bwynt ar y gefnffordd bresennol rhyw 768 metr i'r gorllewin o linell ganol ei chyffordd â'r B4314 i Dafarn-sbeit (a farciwyd 1 ar y plan a adneuwyd) ac yn ymestyn i gyfeiriad y gogledd-ddwyrain yn gyffredinol am bellter o tua 7750 metr hyd at bwynt ar y gefnffordd bresennol 467 metr i'r dwyrain o linell ganol ei chyffordd â'r C3230 i Dafarn-sbeit (a farciwyd 2 ar y plan a adneuwyd).

## **DEDDF PRIFFYRDD 1980**

### **GORCHYMYN CEFNFFORDD SANCLÊR I DDOC PENFRO (YR A477) (GWELLIANT SANCLÊR – RHOS-GOCH A THYNNU STATWS CEFNFFORDD) 2012**

**A**

**GORCHYMYN CEFNFFORDD SANCLÊR I  
DDOC PENFRO (YR A477)  
(FFYRDD YMYL GWELLIANT SANCLÊR –  
RHOS-GOCH) 2012**

HYSBYSIR DRWY HYN FOD Gweinidogion Cymru wedi gwneud y Gorchmynion canlynol:-

1. Gorchymyn o dan adrannau 10 a 12 o Ddeddf Priffyrdd 1980 a fydd yn darparu bod:-

a. ffordd a fydd yn dechrau wrth bwynt ar y gefnffordd bresennol rhyw 768 metr i'r gorllewin o linell ganol ei chyffordd â'r B4314 i Dafarn-sbeit ac yn ymestyn i gyfeiriad y gogledd-ddwyrain yn gyffredinol am bellter o tua 7369 metr hyd at bwynt ar y gefnffordd bresennol 467 metr i'r dwyrain o linell ganol ei chyffordd â'r C3230 i Dafarn-sbeit; a

b. ffordd a fydd yn dechrau wrth bwynt ar y gefnffordd bresennol rhyw 695 metr i'r dwyrain o linell ganol ei chyffordd â'r C3230 i Dafarn-sbeit ac yn ymestyn i gyfeiriad y gogledd-ddwyrain yn gyffredinol am bellter o tua 660 metr hyd at bwynt ar y gefnffordd bresennol 312 metr i'r gorllewin o linell ganol ei chyffordd â'r U6611 i Backe,

yn cael eu hadeiladu rhwng Cylchfan Sanclêr a man i'r gorllewin o Ros-goch yn Sir Gaerfyrddin ac yn dod yn gefnffyrdd o'r dyddiad y daw'r Gorchymyn i rym; ac

y bydd y darn hwnnw o'r gefnffordd bresennol sy'n dechrau wrth bwynt rhyw 768 metr i'r gorllewin o linell ganol ei chyffordd â'r B4314 i Dafarn-sbeit ac yn ymestyn i gyfeiriad y gogledd-ddwyrain yn gyffredinol am bellter o tua 7750 metr hyd at bwynt ar y gefnffordd bresennol 467 metr i'r dwyrain o linell ganol ei chyffordd â'r C3230 i Dafarn-sbeit, yn peidio â bod yn gefnffordd ac yn dod yn ffordd ddosbarthiadol o'r dyddiad y rhoddir hysbysiad o hynny gan Lywodraeth Cymru i Gyngor Sir Caerfyrddin (a fydd yn dod yn awdurdod priffyrdd ar gyfer y darn hwnnw).

2. Gorchymyn o dan adrannau 12, 14, 125 a 268 o Ddeddf Priffyrdd 1980 a fydd yn eu hawdurdodi:-

- a. i wneud y gwaith o wella priffyrdd;
- b. i gau priffyrdd neu rannau o briffyrdd;
- c. i adeiladu priffyrdd newydd;
- ch. i adeiladu priffyrdd dros dro;
- d. i gau mynedfeydd preifat i fangreoedd, ac
- dd. i ddarparu mynedfeydd newydd i fangreoedd.

y cyfan ar neu yng nghyffiniau llwybr y cefnffyrdd newydd a grybwyllir uchod; ac

yn darparu ar gyfer trosglwyddo'r priffyrdd newydd i Gyngor Sir Caerfyrddin ar y dyddiad yr hysbysir y Cyngor gan Lywodraeth Cymru bod y priffyrdd newydd wedi eu cwblhau ac yn agored i draffig trwodd.

GELLIR ARCHWILIO COPIAU o'r Gorchmynion a'r planiau cysylltiedig yn ddi-dâl yn ystod unrhyw oriau rhesymol o 18 Ionawr 2012 tan 29 Chwefror 2012, neu o fewn 6 wythnos i ddyddiad cyhoeddi'r hysbysiad hwn, pa bynnag gyfnod a ddaw i ben ddiwethaf, yn y swyddfeydd canlynol:

- Y Gât (Canolfan Grefftiau Sir Gaerfyrddin), Heol Pentref, Sanclêr, Sir Gaerfyrddin SA33 4AA;
- Yr Adran Gynllunio, Cyngor Sir Caerfyrddin, 3 Heol Spilman, Caerfyrddin SA31 1LE, ac
- Llywodraeth Cymru, Y Gangen Archebion, Trafnidiaeth, Parc Cathays, Caerdydd CF10 3NQ.

Mae'r Gorchymyn, sy'n dwyn yr enw 'Gorchymyn Cefnffordd Sanclêr i Ddoc Penfro (Yr A477) (Gwelliant Sanclêr – Rhos-goch a Thynnu Statws Cefnffordd) 2012', OS 2012 Rhif 48 (Cy.11), wedi ei gyhoeddi gan TSO (Y Llyfrfa) a gellir prynu copïau ohono ar lein oddi wrth [www.tsoshop.co.uk](http://www.tsoshop.co.uk) neu TSO @Blackwell; [www.tso.co.uk/contact/bookshops/agents/cardiff/](http://www.tso.co.uk/contact/bookshops/agents/cardiff/) ac Asiantau Achrededig eraill.

Gellir cael copïau o'r Gorchymyn, sy'n dwyn yr enw 'Gorchymyn Cefnffordd Sanclêr i Ddoc Penfro (Yr A477) (Ffyrdd Ymyl Gwelliant Sanclêr – Rhos-goch) 2012' gan Lywodraeth Cymru, Y Gangen Orchmynion, Trafnidiaeth, Parc Cathays, Caerdydd CF10 3NQ.

Caiff unrhyw berson a dramgwyddir oherwydd gwneud y naill neu'r llall o'r Gorchmynion ac sy'n dymuno herio dilysrwydd y Gorchymyn hwnnw ar y sail nad yw o fewn pwerau Deddf Priffyrdd 1980, neu ar y sail na chydymffurfiwyd ag unrhyw ofyniad o'r Ddeddf honno, neu o reoliadau a wnaed o dan y Ddeddf honno, mewn perthynas â'r Gorchmynion, wneud cais i'r Uchel Lys o fewn 6 wythnos ar ôl 18 Ionawr 2012, neu o fewn 6 wythnos ar ôl dyddiad cyhoeddi'r Hysbysiad hwn, pa bynnag gyfnod a ddaw i ben ddiwethaf, am atal dros dro neu ddiddymu'r Gorchmynion neu unrhyw ddarpariaeth a gynhwysir ynddynt.

Gellir gweld copi o'r Gorchymyn Llinell a'r Hysbysiad yn [www.cymru.gov.uk](http://www.cymru.gov.uk) (dewiser 'Deddfwriaeth', 'Is-ddeddfwriaeth', 'Offerynnau Statudol Lleol', 'Gorchymynion Llinell y Ddeddf Priffyrdd', '2012').

Gellir gweld copi o'r Gorchymyn Ffyrdd Ymyl a'r Hysbysiad yn [www.cymru.gov.uk](http://www.cymru.gov.uk) (dewiser 'Deddfwriaeth', 'Is-ddeddfwriaeth', 'Offerynnau Anstatudol', 'Trafnidiaeth, Cymru', 'Ymylon Ffyrdd a Gorchymynion Prynu Gorfodol yn unol â'r Ddeddf Priffyrdd', '2012')

**Gellir cael copi print bras o'r Hysbysiad hwn gan Lywodraeth Cymru, Y Gangen Archebion, Trafnidiaeth, Parc Cathays, Caerdydd CF10 3NQ.**

**M D BURNELL**  
Trafnidiaeth  
Llywodraeth Cymru